

Promer Minister a traspasa poder pa Prins Hala Kita y Pancho Pa Nos Pasa



AYERA mainta dilanti oficina di Gobierno, Promer Minister Nel Oduber a traspasa mando na Prins Hala Kita y Pancho Pa Nos Pasa. Prins Hala Kita a decreta cu oficina di principal di SAC lo bira e oficina di Lotto pa Deporte cu acceso na tur wega di placa presidi pa Pancho Pa

Nos Drenta y como ayudante Rene Ridderstap y Tecla Kelly sin autorizacion di pone un dede. Pancho Pa Nos Drenta a proclama lo siguiente:
1. Cu tur mucha cu nace den temporada di Carnaval lo ricibi un aña di les gratis di alegria, alegria for di friends & family

pa bira bon dirigente di nos Pais Aruba cu puestonan di honor den Parlamento.
2. Nan lo ricibi nacionalidad arubiano cu paspoort europeo y lesnan adicional di ilegal bon landador.
3. Tur mucha ilegal naci na Aruba lo mester wordo adopta

pa SAC bao cuido di secretaria ya cu e no tin nada di haci.
4. Tur kkoki lo ricibi recetanen di sopi di weso blanco combina cu yuana cu bachi traha pa Pancho cu ta koki cu medaya di culinaire di France promer cu parada cuminsa.
5. Lo traha un podium special den Club Douane pa pone conciertonan local, internacional y mundial solamente 50% di entrada lo bai pa scolnan di Dakota, hendenan den necesidad y Centro Dakota su parlamento.
6. E otro 25% lo wordo destina pa fondo di Prins y Pancho di Carnaval pa asina ora nan gana nan por haci uso di dje pa brommer, scooter of autopad pa den Parada.
7. Despues di Carnaval lo instala den sala di Parlamento

un machin di 10 mil watt pa asina parlamentarionan tuma un lichtenbad pa asina nan no mester sali den publico.
8. Lo percura pa Aruba Model Search keda encarga cu presidencia di Parlamento pa asina controla tur e guayabanan cu lo wordo confecciona pa Trash by Rud Lamp.
9. Hende Muher den Dificultad lo mester percura pa un dia special den parking lot di Arubus pa asina durante y despues di Carnaval organiza un last woman standing cu esnan bao influencia di preferencia.
10. Un mulina di biento mester wordo instala na oficina di Belasting Kantoort pa asina bula tur papel di belasting cu mester wordo paga ainda door di pueblo cu no tin cen.